



En lünesc, ai 02.10.17 complësc **Lina Canins Valentini** de Puntac **88** agn, en mercui ai 04.10.2017 dr. **Franz Vittur** da Pedraces **89** agn y **Arturo Canins** da Pedraces **86** agn y en vëndres, ai 06.10.2017 **Anna Senoner Rudiferia** da Pedraces **86** agn. Le Senioreclub y düta la Comunité ti aoda düc le bun, sanité y benedisciun de Dî.

**Referat cun siur Sepl Granruaz:** *“La tentaziun é era - el dërt ti dé la gauja a Eva che le mal á metü man sön chësc monn. Ci nen pansel pa Gesú?”* en jöbia ai 5 de otober dales 20:00 te Ciasa Runcher. Le Grup Volontariat Val Badia inviëia düc canc.


**Sëra d'informaziun sura les variores (Impfungen) y le decret nü:** en mertesc, ai 03.10.2017 dales 20:00 te Ciasa Runcher, con la doturia Dr. Elisabeth Delago Salcher, L.Abg. Andreas Pöder, Reinhold Holzer (Ökokinderrechte) y Bruno Mandolesi (Primum Non Nocere). Al organisëia la uniu Primum Non Nocere, [www.primum-non-nocere.info](http://www.primum-non-nocere.info). Geniturs, parenc y düc chi che é interesciá é inviá.

**Informaziuns sura la ponsiun d'injunta dal Laborfonds** en mertesc, ai 03 de otober dales 15:00 te Ciasa de Palsa a S. Martin.



*Laudato sii, o mi Signore  
per tutte le tue creature, per il  
sole e per la luna, per le stelle  
per il vento e per l'acqua e per  
il fuoco.*

*(San Francesco)*



Plata dla Ploania

Badia

San Iaco - San Linert

Ploan: Siur Iaco Wendelin Willeit  
Calonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „A“ 01.10. - 08.10.2017 26<sup>a</sup> Domënia dl ann n. 45



*Maria, Regina dl Rosare, präia por nos!*

Vangele dla proscima domënia - 27<sup>a</sup> dl Ann „A“

Mt. 21, 33-44

Te chël tëmp ti á Gejü dit ai gragn proi y ai plü vedli dl popul: Aldide ciamó n'atra parabola: Al é n patrun de n avëi che á fat na vigna, al l'á sigada ite, á ciavé fora na tortlara (da pesé l'üa) y á fat sö na tor. Spo ál afité ia la vigna a vignadus y s'un é jü te n'ater post. Canch'al é gnü le tëmp dla racoiüda, ál orti i fanc dai vignadus a se fá dé süa pert di früc. Mo i vignadus á pochené sù fanc; un n'ái dramé adöm, n'ater ái copé, n terzo ái spedré Sön chëra ál orti d'atri fanc, deplü co le pröm iade; cun chi ái fat bel avisa insciö. Inultima ti ál orti so fi, deach'al se ponsâ: Dan da mi fi arai bëgn respet. Canche i vignadus l'á odü, ái dit un al ater: Chësc é l'arpadü! Inant, i le copun, ch'i arpunse so avëi. Y ai l'á pochené, l'á sciuré fora dla vigna y l'á copé.

Canch'al vëgn le patrun dla vigna, ci sozedaral pa cun de te' vignadus? Ai ti á respognü: Al i fajará fá na burta fin a chi malandrins, y la vigna ti afitalal a d'atri vignadus, che ti dará jö i früc dal dër tëmp. Y Gejü ti á dit: Ne n'ëise mai lit tla Scritöra: La pera, che i muradus á sciuré demez, é diventada pera da ciantun; chësc él sté le Signur che á fat. Dan da nüsc edli él sozedü chësc miraco? Y chël, che tomará sön chësta pera, jará en toc; mo sön chël, che la pera toma, chël fruziarára. Porchël ves diji:

Le règn de Dî ves gnará tut demez a os y ti gnará dé a n popul, che portará i früc che alda.



# FUNZIUNS SACRES

## 01.10. **26<sup>a</sup> DOMÈNIA dl ANN A / Segra de Rosare**

10.00 Mëssa por la Comunità cun le cor Kérygma  
18.00 †to Linert Valentin  
†to Edi Adang  
por fam. Fefa Adang  
por fam. Paul y Ida Valentin

## 03.10. Mertesc – **Beat Josef Mayr-Nusser**

19.30 †to Erich Dapunt  
†ta Nane Granruaz Pitscheider  
†to Gustl Costner ( dal KVV )

## 04.10. Mercui - **S. Francësch da Assisi**

**05.00** La Crusc: Ora de adoraziun  
**06.00** La Crusc: S. Mëssa  
**08.00** S. Linert: S. Mëssa en onur de S. Francësch  
†to Franz Tasser  
†ti Guido y Sepl Pizzinini  
vis y †ti Tasser y Schanung

## 05.10. Jöbia

19.30 †ti Angel y Sabina Pitscheider  
†ta Veneranda Ferdigg  
por les püres animes

## 06.10. Vëndres – **S. Bruno / Prüm vëndres dl mëis**

07.30 †to Konrad Dapoz - aniversar  
†ti Vijo, Angela y Paola Pizzinini - aniversar  
por fam. Irmgard Winkler  
**20.00** **Incuntada dla popolaziun cun nosc Vësko** (Ciasa Runcher)

## 07.10. Sabeda - **S. Maria dl Rosare**

14.00 Mëssa da noza de Massimo Palumbo y Margaret Pizzinini  
15.00 **Traslaziun de Chëlbeldî da La Crusc a S. Linert**  
16.00 Mëssa a Oies

## 08.10. **27<sup>a</sup> DOMÈNIA dl ANN A**

**09.00** Piun ia da calonia por la **Gran Mëssa cun nosc Vësko**  
18.00 por i novic Werner Dapunt y Jule Frenner  
†to Friedl Valentin  
†to Sepl Anvidalfarei

# Dala VITA dla CÛRA



## **Bel invit ala Vijita pastoral a Badia**

**Chest'edema mët man la Vijita pastoral propi chiló en Badia.**  
**Vëndres, ai 6 d'otober dales 20:00 incuntada cun le Vësko tla Ciasa Runcher.**

**Domënia, ai 8 d'otober dales 09:00** la gran Mëssa da festa, che scomëncia dan Calonia cun le salüt musical y la prozesciun.  
**Do Mëssa é duc ciamó inviá a sté adöm tla Ciasa Runcher col Vësko a fá festa dla comunité.**

*siur degan*

*En domënia, ai 8 de otober do mëssa grana se abina düta la Comunità te Ciasa Runcher. Porchël ves periun indô dër bel da porté n pù' de val' da mangé (por les boandes él bel gnü fistidié). Podëise le dé jö dales 08:00 ales 08:45 te Ciasa Runcher. N bel giulan.*

\* \* \* \* \*

## **Funziuns de Chëlbeldî da La Crusc**

**Mercui, ai 04 de otober – S. Francësch**

05:00 Ora de adoraziun y dales 06:00 santa Mëssa

**Sabeda, ai 07 de otober**

15:00 Traslaziun dla statua de Chëlbeldî da La Crusc a S. Linert

**Domënia, ai 15 de otober ( y nia ai 8 sciöche preodü )**

15:00 Prozesciun de Chëlbeldî a S. Linert.

*Rengraziun de cör le mone, chi che fej val' sorvisc y duc i benefaturs dl Santuar da La Crusc.*

**Comuniun ai amará:** siur Degan jará a proveder en jöbia y vëndres de chëst'edema. Sce ciamó valgügn oress avëi la Santa Comuniun te ciasa präibel lascel alsavëi te calonia.

